

Ўзбекистон Республикаси Марказий банкининг қиймати 10000 сўм бўлган пул белгиларини муомалага чиқариш тўғрисида



Ўзбекистон Республикаси Марказий банки ахбороти

2017 йилнинг 10 мартадан бошлаб Ўзбекистон Республикаси Марказий банки қиймати 10000 сўм бўлган банкнот кўринишидаги янги пул белгиларини муомалага чиқаради.

Ўзбекистон Республикаси Марказий банкининг қиймати 10000 сўм бўлган пул белгилари 144 x 78 мм. ўлчамдаги химояланган қоғозда тайёрланган.



Банкнотнинг ўнг тарафидаги кенг оқ рангли сатҳда Ўзбекистон Республикаси Герби ва "10000" рақами кўринишида сув белгиси мавжуд.

Оқ рангли сатхнинг чап тарафидан қоғоз қатламида "Дарча" ва "3D" эффектли юзага чиқиб, ичкарига ботувчи ҳимоя или ўтказилган.

10000 СЎМЛИК ҚИЙМАТИГА ЭГА БЎЛГАН БАНКНОТАДАГИ ҲИМОЯ ЭЛЕМЕНТЛАРИ ТАСНИФИ ВА ЖОЙЛАШИШИ

БАНКНОТНИНГ ОЛД ТОМОНИ



3Д эфектли юзага
чиқиб, ичкарига
ботувчи ҳимоя ипи.

Рангини бронза рангидан яшил ранга
ўзгартирувчи ва ушлаб кўрилганда
билинадиган бўртиб турувчи нақш.



10000



Бўртиб турувчи, ушлаб
кўрилганда сезиладиган
тасвиirlар.

Ўзбекистон Республикаси
Герби ва "10000" рақами
кўринишида **сув белгиси**.

Банкнот олд томонининг юқори қисмида "O'ZBEKISTON RESPUBLIKASI MARKAZIY BANKI" ёзуви мавжуд.

Чап қисмида нақшинкор элементлар фонида Ўзбекистон Республикаси Герби тасвиirlанган.

Гербнинг пастки қисмида еттига рақамли номери билан икки лотин харфидан иборат серияси жойлашган.

Нақшинкор рамканинг ўнг ва чап бурчакларининг қуий қисмида, шунингдек Гербнинг ўнг тарафида "10000" рақами тасвиirlанган бўлиб, банкнотнинг қийматини билдиради.

Гербнинг ўнг тарафидаги "10000" рақами устига йирик ҳарфлар билан "SO'M" сўзи ёзилган. Ушбу тасвир тепасида банкнот қиймати сўз билан "O'N MING" кўрсатилган.

Нақшинкор рамканинг пастки қисмида "O'ZBEKISTON SO'MI RESPUBLIKA HUDUDIDA HAMMA TO'LOVLAR UCHUN O'Z QIYMATI BO'YICHA QABUL QILINISHI SHART" ёзуви жойлашган.

Банкнотнинг тўқ кўк рангли нақшинкор рамкаси, "O'ZBEKISTON RESPUBLIKASI MARKAZIY BANKI" ёзуви, Герб, ўнг ва чап томондаги "10000" рақамлари бўртиб туради,

ушлаб кўрилганда сезилади.

Оқ рангли сатҳда жойлашган "10000" рақами тепасида банкнотнинг номери ва серияси тақорор кўрсатилган.

Оқ рангли сатҳнинг юқори қисмида қиялик бурчагининг ҳолатига қараб рангини ўзгартирувчи ва ушлаб кўрилганда билинадиган бўртиб турувчи, тилла-бронза рангли саккиз киррали нақш мавжуд.

Нақш тепасида банкнот чиқарилган йил "2017" кўрсатилган.



Банкнотнинг орқа томони чап қисмидаги оқ рангли сатҳда сув белгилари кўринади. Оқ рангдаги сатҳнинг юқори ва пастки қисмларида кўк ва бинафша рангда ишланган нақшинкор безаклар жойлашган бўлиб, пастки безак устида "10000" рақами акс эттирилган.

Банкнотнинг марказида "SENAT" меъморий биноси, бино гумбазининг тепасида Ўзбекистон Республикасининг рангли байроғи тасвириланган.

Тасвирининг юқори чап бурчагида бир-бирини кесиб ўтuvchi "10000" ва "SO'M" ёзувлари мавжуд бўлиб, уларнинг тепасида банкнотнинг қиймати сўз билан "O'N MING"

кўрсатилган.

Пастки қисмида "O'ZBEKISTON SO'MINI QALBAKILASHTIRISH QONUNGA MUVOFIQ TA'QIB QILINADI" матни жойлашган.

Ушбу матннинг икки томонида "10000" рақамлари, шунингдек банкнотнинг энг юқори қисмида "O'N MING SO'M" ёзуви акс эттирилган.

Муомалага чикарилаётган қиймати 10000 сўм бўлган пул белгилари, айни пайтда муомалада бўлган пул белгилари ва тангалар билан бир қаторда, барча хўжалик юритувчи субъектлар ва аҳоли томонидан ўз қиймати бўйича барча турдаги тўловлар учун ҳеч қандай чекловларсиз қабул қилиниши шарт.